



讀書堂詩藁

壬寅年正月 起十二月止

錢唐 汪 日祺

玉岑

江鄉羈旅集

卷二



和東坡新年五首韻

呵筆桃符寫春王紀歲元老懷猶壯志城市似山邨硬
語隨心得殘編信手翻回頭過半百容易度朝昏
隨處堪容足吾身任所之綠浮人日酒青吐去年枝慳
慨難忘世盤桓且俟時莫譏狂態在忍恥豈男兒
久雨開新霽長天氣色清好花明上苑佳日麗春城悟
後禪心淨閒來禮數生辛盤何所有充腹是藜羹
未得乘桴去還留大海東茫茫難對此咄咄欲書空積

粟輸田叟垂綸羨釣翁陽春回律谷天地亦和同
漫說吾岑寂幽棲勝事繁久居陶澤里徑入辟疆園削
跡遊巖穴埋名隱市門馬騰青海上誰識是龍孫

人日大雪至南園蘿軒先生留飲竟日和東坡
聚星堂雪韻

舞絮撒鹽飄瑞葉乘船欲泛剡溪雪恰逢人日得勝遊
擊檝高歌笑癡絕主人啓戶知客來歡迎不覺屐齒折
攜手拾級登南樓寒凝冰冱人踪滅孤塔矗天尖如錐
饑鷹盤空獨飛掣玉龍鱗甲灑縱橫城中萬瓦鋪細纈
共傾綠酒擁紅鑪揮塵清言吐霏屑蝶翅鷺毛零半空
茫茫郊原自飄瞥須臾天暝縱櫂歸塵市喧囂不可說

小鬟掃雪煎名茶翦燭添香攬衾鐵

題姚孝廉心求驢背詩思圖

才如今僕好爲之一笑黔中技止斯馱著名流添勝事
錦障泥上苦吟時

詩滿奚奴古錦囊漫天風雪一詩狂酒旗只在林深處
斜指鞭梢問醉鄉

上元夜和東坡上元夜韻

可惜上元夜無心看華燈靜坐聊自適月光上觚棱此
地寡所識不知誰廢興春寒頗料峭未泮池中冰心安
絕煩惱自號有髮僧下方何擾擾應處最上層空林風
颯颯幽壑雲鬢鬢桑田或變海深谷時爲陵解憂酒三

爵柱腹飯一升人盡蹋燈去惟余睡曹騰

戲簡友人

畫地爲牢坐後房那能伸足蹋康莊季常池上憎蘇軾
夸甫閨中說李陽拄杖當頭敲穀帽棋盤在手墮瑤璫
杜門兩月無消息博議新書有幾行

題張丹九小照

科頭擁膝占幽閒身在清泉白石間一片秋聲疎樹裏
小庭吟到夕陽還

無題以紅仙二字爲韻

玉真重訪踏芳叢洞口桃花路可通春黛半彎眉葉翠
曉霞一瓣面脂紅燈明綺席尊常滿月轉雕欄曲未終

更整殘粧人散後清絲脆竹鳳樓中

前身疑是掌書仙文履輕裾步步蓮倦舞風中翻玉佩
醉行花下落珠鈿錦幃乍捲香猶暖繡被初開枕欲偏
小榻橫陳眠未穩柔情幽思不禁憐

無題疊前韻

曉煙淡淡露叢叢蓬海迢遙有信通柳影溪光隨意綠
桃花人面一般紅遊魚戲藻苗初長乳燕穿簾語未終
斷飲不勞澆斗酒久無壘魄在胸中

華胥一枕夢遊仙笑語香生舌上蓮翠袖頻翹交玉釧
花冠不整墮金鈿風停院落爐煙細月轉闌干燭影偏
誰與東坡堪共處惟餘琴操尚相憐

無題再疊前韻

雲外天香是桂叢小山消息舊曾通夢回虛室應生白
句染華箋欲比紅淡月漸沈雞乍唱殘燈無焰漏將終
胡麻飯屑隨流水賺得劉晨憶洞中
姑射神人紫府仙顏如桃李面如蓮尋芳閒步移羅襪
倚醉微嗔卸翠鈿淡掃蛾眉青黛細懶梳蟬翼綠雲偏
鶯飛蝶去愁多少況是春深最可憐

題士民樂輸冊子後

平湖縣主簿郎某削籍後逋帑百金羈管德藏寺
中艱苦萬狀士民憐其老病設募簿代爲輸將余
與郎某無半面之識亦稍有所助并題一絕句於

紙尾

宿昔官居丞尉間禪房今伴老僧閒鬢毛如雪心如死
何日扁舟得放還

題張丹九小照

黃金爲勒錦爲韉帽影鞭絲雪滿天絕似王恭披鶴氅
高吟人說是神仙

至乍浦

野色初過雨一犁輕舟柔櫓泛清溪桃含曉日紅雲擁
麥趁春風碧浪齊極望炊煙知市近橫空海氣覺天低
未攜斗酒雙柑去聽得嬌鶯恰恰啼

寒食雨和東坡韻

冬至能幾時百六爲寒食所喜甘澍零頗爲寸陰惜多
岐歎亡羊膠柱難鼓瑟已禁之推煙欲立慧可雪死永
無神方觸山愧綿力丈夫自有真任彼俗眼白
步出城南門雨勢未肯已梵唄雲樹中漁歌煙波裏足
倦停雙鳧船輕杭一葦士女攜壺觴墓田堆錢紙深蔭
鬱佳城哀音動蒿里行行歸路遙宿鳥欲驚起

客舟雜詠

苔磯柳岸客重過卧聽前溪欸乃歌鶯語丁寧花氣足
鳧飛上下水風和

煙鎖前林帶曉暉三分春色二分歸水添瓜蔓魚苗長
風趁桃花燕子肥

酒旗橋外颭斜陽一樹梨花雨後香應學坐禪消妄想
清明過了日初長

鴛鴦湖裏水漣漪四望深林綠影垂舞蝶流鶯西子地
澹雲輕雨大夫祠

停舟古渡欲三更沈水香消夢不成誰撥琵琶歌別曲
傷心最是子絃聲

十年零落隔山丘奉杖談經憶昔遊慟哭西州門外路
通家年少白盈頭

竹垞先生下世已十四年
矣過曝書亭爲之一慟

斜挂蒲帆曉日催迎篙綠漲水痕開共言峽石須臾到
爲見船頭塔影來

樹陰野色總蕭蕭殘月將升惜夜遙猶憶冶游年少事

笙歌燈火過斜橋
一片妖紅富貴家
隔牆幾樹似蒸霞
春風上苑飄零後
沒得心情看杏花
客愁原草共叢叢
略約斜支小徑通
粥鼓遙傳深樹裏
漁燈不斷晚煙中

蠶祠

峽石道
中作

袖紅裙綠額塗黃
雙鬢垂垂插海棠
粧罷出門呼女伴
上船同祭馬頭孃

絮酒焚香跪拜虔
但祈晴暖過三眠
卜神卧吉私相慶
共說今年勝去年

女兒生性尚嬌憨
裊裊娉娉挈竹籃
曉露未乾羅襪濕

大家摘葉餵春蠶

煮繭抽絲織手縑
流黃明月夜梭勞
香閨但愛新花樣
尺寸量來動剪刀

郎主簿久留平湖
奄奄待盡鳳溪大令
代爲償
庫俾得生還此盛德
事也爲賦五古一首

主簿雖卑官儼然
亦簪組負還公庫
難跡與俘囚伍
但可歲月拘竟無
錙銖補卧病影伶
仃號寒聲酸楚
出不具衣冠居不
蔽風雨飢餓僮僕
逃驕矜吏人侮未
邀故友憐常觸僧
徒怒誰似大令賢
憫此老子苦代彼
償正供縱之歸故
土妻孥幸相逢寢
處遂得所死能正
首丘骨不委草莽
高風更有誰此事
足千古

茗溪道中

泛宅浮家慣衝波試短橈風高聲在樹雨足水平橋
山鳥霧中語酒旗林外招愁霖妨早麥不為客程遙
逕曲支流雜邨居四面通月浮溪水碧葉漏戍燈紅人
影殘煙裏鐘聲廢廟中最憐春事殿一夜棟花風

至廣德州

人物蕭條井里荒兵戈擾擾怨滄桑滿城流血孤臣死
戟手遺民罵貴陽

福王被擒後馬士英偽稱奉太后避兵實其母也
知州趙景和乘城拒守士英攻破之殺景和屠其

民無
噍類

廣德守周榕客招飲

經時契濶惜居諸轉瞬萍踪十載餘旅恨消除逢故友

勝遊感慨憶尚書

向偕外父大司寇胡公過廣
德為信宿之留今已十年矣

紅燈白月金尊

促吹竹彈絲玉漏徐門第同為名父子可知意氣不生

疎

榕客為櫟園
先生詰嗣

余斷飲已久遇賢主人陶然竟醉榕客出扇頭
屬書次日見之戲成一絕句

橫斜濃淡不成行醉後其如筆墨荒真草難分同失笑
酒懷猶似少年狂

寧國道中

豔豔花爭發關關鳥亂啼兩邊青嶂合四面綠陰齊遠
澗雲中落高田雨後犁賞心於此遇欲和謝公題

謝元暉
之宣城

郡詩囂塵自茲
隔賞心於此遇

宿積翠菴

倦途停轡宿名藍燈影幢幢照佛龕一種癡情還似舊
近來自信斷嗔貪

過雙橋

春雲藹藹水蕭蕭緩轡嘶風白馬驕誰識晴空山色裏
彩虹依舊落雙橋

喜晤黃太守瑤圃

乍見論平素相忘在客途交情深孔李族望壓崔盧治
行勞循吏文風藉宿儒良哉二千石聲譽滿名都

登北樓

昔日宣城五字詩後來太守一盤棋十年重到登臨處

惟有澄江似舊時

南史羊元保善弈宋文帝與
賭郡元保勝以補宣城太守

登南樓

欲把南樓敵北樓江城如畫客重遊後人懷古臨風者

能說宣城太守不

修太守建此司寇胡公顏曰南樓不知何
人書亦懷二字蓋取太白臨風懷謝公句

移寓景德寺欲登對亭塔不得

策馬到宛陵斜陽已西墜行李苦匆匆不暇擇善地所
居僅半廛又復近市肆人聲竟夜喧展轉不能寐太守
為余言旋移景德寺晨鐘暮鼓聲可以消俗思車馬頗
煩勞經時筋骨瘁寂靜得所欣欠伸成美睡趺坐學安
心終日苦無事遙瞻敬亭山雨後靄空翠孤塔名對亭
見之快人意我思登其顛望遠豁胸次僧徒仰而嘻宰

官無布施浮圖久不修敬是欲傾躓敗興還禪房支頤
發長喟丈夫不遇時所願無一遂

雞雛

抱卵母雞勞雛出母翼禿雛穉無所知晝夜勤鞠育行
止不暫離飲食視所欲晴愁日赫赤陰慮雨霖霖或有
異類來防害急驅逐共處籬落間衆雛倦欲宿傍母聲
啾啾會心身先伏或登於其背或麗於其腹或入左右
翼不敢稍伸縮主人憫其苦投之以菽粟衆雛紛然前
爭食意未足母飢啄餘糧衆雛怒以目未幾雛長成母
身并無肉雛各東西行形影惟母獨遂忘母子恩那肯
念顧復寧止飛禽然感歎誰與告

過紅綾橋

明萬曆時沈懋學丁丑第一甲第一名舒弘志丙
戌第一甲第三名湯賓尹乙未第一甲第二名皆
宣城人里人建石坊曰同朝及第至今有十里三
鼎甲之語舒碌碌無所表見湯尤不滿人望惟沈
以江陵奪情貽書醜詆禍幾不測士論躋之科名
以人重耳高揭姓名於孔道巍然竝書徒增過者
之慨歎而已是日宿林聚菴去橋僅數武因於僧
舍壁間題一絕句

蓋棺論定見人才漫說賢愚土一坏十九年中三及第
競傳盛事是輿臺

寄示如夢上人

菴僧如夢楚人也年已八十餘容止可觀語言頗有英氣余曰上人字如夢意取如夢幻泡影句耶僧笑曰如夢即如夢耳何必憊懣偈語見余壁間詩謂余曰檀越之意似奪謏詆霍林以衲子觀之霍林能文章有盛名人品雖不高百餘年來無不知有湯霍林者沈以忤時相爲人所稱惟有氣節之士始重其爲人習一經爲諸生業者烏知所謂沈君典哉丈夫生天地間但當論其名之傳與不傳不必問其人之是與不是也論古者宜另具隻眼執濂洛關閩之說以衡量人材將誤盡天下蒼

生矣余駭其說因曰上人議論甚異得非鐵衣脫盡著僧衣者耶僧徐曰檀越誤矣我亦識字人非不得已而逃禪者何至以草上飛之怪物相比縱譚良久其持論皆不甚和平者更深始辭去次日天未明即儼裝就道終不知此僧爲何如人也至廣德作七言古屬榕客遣人寄之安知此僧不以我爲夢中說夢哉

如絲細雨清氛塵西山欲落羲和輪逆旅湫隘不可住急叩蘭若容吾身老僧欣然出迎客丰儀雄杰疑天神睂宇時露不平氣吐詞立論何奇新不能流芳即遺臭無爲身與名俱湮龍逢比干皆枉死陳勝吳廣俱良民

江維華方集卷二
大率放蕩禮法外語多詭激非無因聞所未聞客情豁
煮茶翦燭談津津光黃古多隱古子神龍夭矯殊凡鱗
我思上人亦楚產懷抱抑鬱無由伸發憤不欲與世接
方袍圓頂忘鴻鈞登車徑去心自省此僧豈是尋常人
曹邨
平泉花木總荆榛華屋山丘跡已陳衆口至今譏太傅
承恩坊裏負恩人

同年吳編修小睂至平湖過訪余在宣城未歸
小睂與鳳溪詩有過從更喜汪倫在之句率爾
奉和寄小睂兼簡鳳溪

潭水桃花何處尋江城如畫散塵襟石尤風斷故人酒
梅子雨聽賢令琴顧曲儘留清雅興論交猶託短長吟
客程悔不歸舟早同坐松陰與月陰

為陸伯機題畫

娉娉嫋嫋厭鉛華翠鳳銜珠小串斜一種幽情誰會得
玉人清供是梅花

神光洛浦初迴雪素質陽臺欲出雲綺語麗情吾亦悔
十年舊夢杜司勳

無題

鴉噪深林夜色荒花枝零落可憐傷東風擡舉原多事
漫說來儀待鳳皇

元微之過襄陽與一名妓留連將別作詩云花枝臨水
復臨隄也照清江也照泥寄語東風好擡舉夜來曾有
鳳皇棲謝師厚作襄陽倅聞營妓與二胥狎昵
妓乞書扇子謝遂改末句云夜來曾有老鴉棲

綵翠仙衣分外嬌纏頭一曲贈紅綃他時綬帶隨風落

橋上江邊兩寂寥

李義山代官妓贈兩從事詩新人橋上著春衫舊主江邊側帽簷願得化為紅綬帶許教雙鳳一時銜

月光花影照清卮莫把征旗當酒旗一笑麤豪羅從事

鄜州手刃杜紅兒

楚天雲雨任西東宋玉微辭一賦中巫峽不勞神女夢

蘭臺自有大王風

病

獨處三間屋敬眠六尺牀難支垂老病頗悔少年狂蠻
觸蝸牛國衣冠傀儡場招邀名下士調笑酒家倡身事
爭棋劫生涯入醉鄉欲承仙掌露思挹帝臺漿未與風
雲際難依日月光歌誰聽白雪夢不醒黃梁跡似萍花

泛材如襪線長尋盟殊貴賤妄作等彭殤繞樹憐烏鵲
推丸愧蝓蜣空羣無市駿岐路竟亡羊耕鑿忘堯舜清
虛學老莊良辰悲落拓舊友惜參商寫恨憑毛穎澆胸
借杜康自知筋力瘁人訝鬢絲蒼脾以多憂損肝因盛
怒傷有時揮苦淚何處割愁腸檢點囊中藥標題肘後
方死歸生是寄不必問岐黃

行路難

行路難行路難小苦大苦何多端出門便與骨肉遠耶
孃妻子情辛酸狂飈怒浪蕩客艦炎歎冰返馳征鞍滿
頭泥土宿逆旅蝨齧蟲噬蚊蠅攢長途計日不得到黃
金欲盡愁饑寒佳氣扶輿是輦下乘軒服冕紛千官

所嗟名不出鄉里干謁又鮮平生懽袞袞軟紅百萬戶
深盟密友誰金蘭時艱米貴居不易壯士落魄多摧殘
縱使逢迎到處有枳棘不欲棲鴟鸞何況無一可自恃
胡爲凌計遊長安足高氣揚與世忤驕人之態何桓桓
不能升雲吸沆瀣不能煉汞燒神丹出入覲顏借冠履
晨昏枵腹求盤餐進退維谷悔已晚故鄉雲樹空漫漫
少不更事性妄誕爲爾展轉增憂歎忠言苦口反騰怨
是何意見無心肝夢中說夢幾時醒所好如轉蜣螂丸
京塵白骨多傖鬼何似一室常團樂吁嗟乎行路難

里中兒

嗚呼里中兒蠢爾一朽質井底欲觀天閻處難見日何

曾識之無但解覓梨栗世事總茫然心田黑於漆古今
萬卷書十尚未窺一源流不分明妄議六經失口中無
擇言吐納多鄙率舉止輕且浮顛狂類心疾填詞亂宮
商作詩昧格律號爲沒字碑名乃稱其實方今有異人
體用世無匹六月息九苞羽儀頗超軼渠帥衆共推胡
爲反妬嫉兄弟不相容論交寡親暱毒似含沙蟲陋如
處禪蟲何足較短長不學自無術

簡借山和尚和東坡贈月長老韻

卜居喜僻陋避世辭蹄輪飄然遠八難莞爾斷六塵小
草不欲出蓼蟲能忘辛安心亦理會析理誰敷陳吾師
頗拔俗其語常驚人作字結構古裁詩性情真禪宗有

龍象儒行爲鳳麟靈臺開定慧幻體捐貪嗔流俗多憤
憤吟嚙徒諄諄應斟遠公酒爲漉淵明巾箝錘悟元要
提唱辨主賓機鋒可問答我非土木身

和陶問故居

陶詩云爾從山中來早晚發天目我屋南山下今
生幾叢菊薔薇葉已抽秋蘭氣當馥歸去來山中
山中酒應熟集中不載惟晁文元家本有之見洪

文敏對雨編

故鄉隔煙雲聊以靜耳目園蕪三徑荒并不存松菊先
澤忽已湮遺書無賸馥庭樹子纍纍所惜楊梅熟

五日題畫鍾馗

夢中謁帝來皇居虛耗之孽臣能除瞋目張髯怒咆嘍
自恃手中執牙笏貓妖蟹怪何謹噉劍光激射皆奔逃
漫說出身是進士不能嚇人但嚇鬼

喜雨四十韻

去夏旱爲災三農無九穀余自都門歸慘聞一路哭飢
餓流亡多所在皆空屋採葉充其腸榆柳頂盡禿客棹
停當湖河流不盈掬岸水若救頭踏車脚相觸不雨三
月餘那得歲時熟所幸八月初甘霖遍臯陸遂獲小有
年青青亦滿目僅足支三冬農家無廩蓄田主販餘糧
反於境外鬻今夏雨愆期杲杲日光昱空望土脉膏難
期米價縮往年偶薄收民貧食半菽若更遇凶荒何以

飽空腹邑侯請民命禱神以誠祝四野共懽騰密雲蔽
晴旭前日靈雨零竟夕聲霰霖連朝喜積陰瀟瀟灑林
麓今晨漸滂沱勢如江海覆溝塍水橫流高下盡霑足
秧苗興勃然佇見黍或或頗苦旬日來無計驅炎燠汗
出疑翻漿蒸人氣熳熳雨後發涼颼推窗一遐矚南山
開翠屏嵐光淨如沐暑病忽已消況喜秋成卜朱門輕
薄兒陳倉紅朽粟後房曳綺羅臧獲厭梁肉不知稼穡
艱但解浮醞綠泥滓難出門以茲反怨讙動容戒彼昏
方今多憚獨莫作尋常看點滴是珠玉年稔民心安婦
子遂所欲我輩高枕眠優游噉粥蘇公喜雨篇少年
豈未讀不雨民罹殃盜賊與訟獄仁人言藹如尋味宜

三復勿恃家素封福兮禍所伏乞子常苦饑其中有名
族

問奴

驕矜偃蹇如於菟酣飲晝夜聞歌呼偶奉驅使即色變
一無所有常擄捕我乏錢山與銀窟汝曹何曾食糠覈
笑顧人奴未可輕焉知不有封侯骨

代奴答

衣欲煖身食充腹閒思出遊倦即宿紀綱牧圉若所長
不至屈節爲君僕寂處未得乘軺車四庫萬卷何爲與
主人縱是蕭穎士我輩所愛非詩書

送友人出塞

落拓江湖鬢鬢殘從戎幕府棄儒冠秋風迴雁笳聲急
夜月飛狐劍影寒羈客自傷親串少壯遊不怨別離難
中原鼙鼓需才日報國應登上將壇

和白香山效淵明體詩十六首

人生有真趣所貴全其天袞袞靡停晷泊泊如逝川鬢
髮已爾許豈能再韶年志業何所就思之爲爽然天亦
有酒星地亦有酒泉過眼無實境茫茫雲與煙醉鄉聊
託足清聖濁者賢酒徒是知己晨夕共往還不惜功名
薄但嗟歲月遷草屋蔽風雨幸有八九間物態變以幻
無因至吾前世界多缺陷持杯強爲歡

昔人重敦槃今雨兼舊雨輕薄多寒盟此道棄如土廟

堂喜爭名不若託衡宇抱甕灌畦蔬吾將學爲圃釣絲
漾晴波寧爲魚蝦侶高歌擊唾壺商聲出巖戶久與人
相忘何妨窮巷處縞紵更有誰麴生可共語

不生能生生不化能化化無所動其心安然高枕卧今
古一戲場興亡皆閒話長吟徐步行更結跏趺坐不必
處名山欣然有清暇杜康解我憂連飲不能罷勿以勢
利徒負茲花月夜回頭五十年此身如傳舍宜思清淨
因庶以補前過

壯志未得遂徒爲岐路悲撫髀三歎息蕭蕭鏡中絲逢
迎素不習落魄空齋咨騰駒方病顙誰秣以香萁宿昔
妾矜詡風雲際昌期老懷漸頽放相距能幾時息影謝

塵埃我車勿載脂萬物有生意草木皆榮滋甚爲造化
苦畢生攢其眉殊損歡樂趣安能腴四肢未必今即是
頗能覺昨非此意誰與告冷暖惟自知冥鴻翔千仞寧
受燕雀嗤

市上荆卿歌缸邊畢卓睡不計細碎讐陶然成獨醉身
世兩相忘雅人有深致中書政事堂歷考二十四漏盡
行不休所爲竟何事投閒勢不能反以形骸累誠哉老
子言知希則我貴糟丘是仙鄉迴與塵境異有水亦有
山勿慳酒家費

與世無德怨和光同其塵貴游久不至門外無蹄輪亢
旱得時雨微涼已兼旬遠林頗蒼翠山淨無氛昏五嶽
爲登豆四瀆爲壘尊翛然薄前哲自謂羲皇人所期歲
時熟更望風俗醇田家苦操作愧未四體勤塵生范丹
甑角折林宗巾俯仰頗自得無由擾真君山鬼伎有限
付之不見聞一編永朝夕但與煙霞鄰會心不在遠魚
鳥常相親

浮雲視富貴意氣殊軒軒舜禹與周孔生無一日懽不
求萬世名所惜囊無錢黃庭言三景其重守丹元天機
活潑地惟在杯酒間正賴絲竹寫哀樂傷中年蓬島咫
尺耳欲求十洲仙雲霄可沖舉不死非妄言羣真共招
手可以屏俗緣名山三十六自古稱洞天暫時寄塵壒
嘯傲滄浪前

軒冕半隙未感恩多屠沽平居矢天日下石將如何我
見名下士品題皆云佳望門必進謁報履時經過名實
頗未稱讀書亦不多葫蘆依樣畫翦綵非真花木心本
不正脉理皆敲斜趨勢輕去就誰能抑浮華不如與酒
伴慷慨同悲歌

衣不愧敗絮食不羞一簞吾道原自足胡爲慮饑寒長
夜同泯沒誰愚復誰賢結廬方丈地但願容膝安門前
望平楚所喜野興閒頗笑噉名客碌碌風塵間簿書極
勞瘁豈不愛林泉何如花下醉倦即枕石眠夢中有佳
境往往遊釣天鄰翁與邨校過從笑語喧奇文自欣賞
著述藏名山譬彼却行者意本不求前諸子百家說探

微窮其原

將軍出雲中佩印專征伐高坐玉帳前運籌會衆說擐
甲瞋目呼以身先士卒敵兵望風奔百不當我一聞輦
馬驍騰壯士氣勃勃凱歌起懽聲京觀築戰骨征魂不
得歸夜哭關山月呼韓未請朝開邊意未歇兩軍互殺
傷奄忽爲異物兵凶與戰危所得不償失內地有孱夫
老羸邁癘疾優游里巷中不見旌蔽日邨醪養餘年其
樂乃無匹

東湖有小阜亦名鸚鵡洲杖頭挂錢百沽飲學阮脩達
人貴知足身外非所求朝生暮即死世或笑蜉蝣恨無
長繩繫羲馭難停留未有一日樂常懷萬端憂營營附

驥尾瑣瑣謀蠅頭此身不自愛所願安能酬思之果爛
熟耐可卑微休世情槩不問但問有酒不隨時安所遇
一壑兼一丘松下選石坐納涼風颼颼小艇泛明月疑
於鏡中遊

僅能飽藜藿無肉遺細君分財鮮鮑叔誰復知我貧兩
聲打屋瓦不出已浹旬爲儒頗自悔匍匐詩書門何事
不可作半生著儒巾乖龍困尺水安得乘風雲秣田幸
已熟傾釀全吾真眼前寡俗物腕下無纖塵把劍時拂
拭燦然七星文霜刃久未試不平意何云南邨居寂寞
并無素心人猿鶴莫驚怨山英伴晨昏

乾坤有正氣吾道如砥平不肯棄面目俳諧效優伶次
公狂如此何必問醉醒結交亦不少誰有香火情少年
得美官勿自誇早成中道銜縻變那能萬里行茫然坐
閤室未得秉燭明聊盡即時酒勿思身後名

南方有狂客其性雄以瓌數奇不得意託興於深杯身
不求聞達跡猶困蒿萊撐腸書萬卷自負不世才貧女
嫁不售吁嗟無良媒歲月堂堂去不能麾日迴金門兩
獻策青雲無天梯頽然甘放廢笑口何時開駕言旋舊
里早魃爲凶災吾聞大劫盡天地亦爲灰索居得佳句
淵淵金石偕舉手招同志不如歸去來

題橋昔泚筆未乘駟馬車貧薄乃若此鬢鬢張怒鬚巢
許處箕頽原非負唐虞原思絃歌樂蓬戶桑爲樞琴書

江陰畢方集卷二
有真味何必承明廬榮枯亦一致豈遂異慘舒五陵年
少子裘馬麗且都夜坐不以燭高懸明月珠州侯及夏
女妖冶環香居用力於當世自矜大丈夫衡門有隱者
高擁滿架書天懷何浩落耕釣樂有餘清閒遠毀譽靜
悟物理殊起居順所適南面無以踰雖屯虞翻骨不哭
阮籍途窮達似相左賢愚定何如且為河朔飲一醉聊
自娛

於人鮮臧否唇吻無雌黃我自用法何為競謗傷和
氣煦萬物熙熙若春陽冰炭不同類薰蕕亦相妨持籌
何為者辛苦謀稻粱骨肉成吳越安知不為狼笑彼守
錢虜其意常遑遑五蘊非己有不如學空王阿堵儻來
物多藏每厚亡閭中有清課頗覺歲月長孰得與孰失
於心自斟酌避人如避敵鬚鬢忽已蒼姑與之飲酒陶
然引壺觴

和白香山寓意詩五首

斧斤孰不畏勿為匠石知櫟樹以散木絜之得百圍無
所用於世不材乃良規森森松與柏自詡青雲期參天
高千尺蔭垂萬頃陂一旦截作柱頽然無柯枝橘柚有
佳味蕙蘭逞幽姿嗅香餐其實採摘靡子遺中道即天
折能有幾許時世俗苦掎擊愛之反傷之人情閱已久
念此令我悲黃老退為進豈是見事遲

朝獻金門策夕除紫薇郎鳳池備顧問寵賚逾尋常自

江續集卷之二
有真味何必承明廬榮枯亦一致豈遂異慘舒五陵年
少子裘馬麗且都夜坐不以燭高懸明月珠州侯及夏
女妖冶環香居用力於當世自矜大丈夫衡門有隱者
高擁滿架書天懷何浩落耕釣樂有餘清閒遠毀譽靜
悟物理殊起居順所適南面無以踰雖屯虞翻骨不哭
阮籍途窮達似相左賢愚定何如且為河朔飲一醉聊
自娛

於人鮮臧否唇吻無雌黃我自用法何為競謗傷和
氣煦萬物熙熙若春陽冰炭不同類薰蕕亦相妨持籌
何為者辛苦謀稻粱骨肉成吳越安知不為狼笑彼守
錢虜其意常遑遑五蘊非己有不如學空王阿堵儻來
物多藏每厚亡閻中有清課頗覺歲月長孰得與孰失
於心自斟量避人如避敵鬚鬢忽已蒼姑與之飲酒陶
然引壺觴

和白香山寓意詩五首

斧斤孰不畏勿為匠石知櫟樹以散木絜之得百圍無
所用於世不材乃良規森森松與柏自詡青雲期叅天
高千尺蔭垂萬頃陂一旦截作柱頽然無柯枝橘柚有
佳味蕙蘭逞幽姿嗅香餐其實採摘靡孑遺中道即夭
折能有幾許時世俗苦掎擊愛之反傷之人情閱已久
念此令我悲黃老退為進豈是見事遲

朝獻金門策夕除紫薇郎鳳池備顧問寵賚逾尋常自

江續集卷之三
云稽古力報國能文章宿昔性命友遇之如傖荒聲名
籍輦下輿服炫路傍襟懷殊怡暢議論何恢張朱顏不
可駐兩鬢飛清霜日月無私照偶然依末光春溫秋肅
殺難保君恩長幾人忘仕宦晝錦歸故鄉

清白宜共守無爲墜家聲君子恒勵節廉士不立名舉
世愛阿堵孔方稱爲兄重財不重友常背雞壇盟遊俠
有意氣從來在幽并東南多浮薄去就如奔鯨翻覆不
足道文人頗相輕毫髮小利害禍機於焉生宇宙黑如
漆誰能暗中明世鮮知我者長歌撫青萍

富貴履危機譬如巢幕燕蒲柳望秋零盛衰頃刻變一
出神武門長辭承明殿君門萬里遙咫尺不可見勿矜
紫綬榮翻笑青山賤燈燄飛蛾趨棧豆駑馬戀浮雲過
太虛幻影何足羨

亭亭路傍樹其大皆十圍斧斤所不及高影入翠微闕
歷熙攘者將爲百年期驕陽忽肆虐田家失三時郊原
盡赤地禾黍俱枯萎婦子枵腹久有司豈不知爨下何
所有折之燔其枝盤中何所有削之食其皮觀者徒歎
息歎息無能爲

六月二十七日飲弄珠樓和東坡六月二十七

日望湖樓醉書五首韻

夜色蒼蒼雨後山弄珠樓下住輕船中流疑有蛟龍鬪
驚起馮夸浪拍天

倚樓何處笛聲來如鏡湖光煙霧開遙望蓬瀛疑咫尺
碧天鸞鶴影徘徊

酒家未有杖頭錢青韭黃壺共一盤但得時留佳客坐

不妨長飽腐儒餐

杜工部詩竟日淹留佳客坐百年麤糲腐儒餐

笙歌燈火泛蘭橈隱約珠簾露翠翹自信昇天門戶在
心如枯木不能招

雲水飄流木石頑此身所喜是安閒可憐塞外還鄉夢
多少征人望故山

與同人泛舟東湖至張別駕滄亭別業小飲和

東坡泛舟城南分韻賦詩得人皆苦炎字四首

韻

湖平如鏡水如鱗雙櫓嘔啞翦綠蘋避跡不爲名下士
勝遊同作畫中人未諳禪悅山僧笑漸息塵機海鳥馴
船向藕花深處住碧筩滿酌甕頭春

山水清音處處皆幽情暢敘坐高齋樹頭撩亂風聲壯
日脚蒼茫雨氣霾筆墨淋漓詩似畫觥籌交錯酒如淮
煙霞泉石堪終老懶脫蘿衣上玉階

死葬陶家身化土平生心事向誰數痛飲那顧尚書期

佯狂甚爲小兒苦

杜審言病曰甚爲造化小兒所苦

性情傲兀不同塵神志

荒耗難翫縷

柳宗元書欲乘筆翫縷神志荒耗

淵淵金石漁陽搥欲打彌衡

振地鼓

洗尊更酌夜厭厭清淺銀河挂短簷萬頃琉璃浮玉宇

一牀絲竹隔珠簾誰言蟲語能催織共笑蛾飛喜附炎
無奈世情多變態紛紛寒熱似狂疔

滄亭招飲城東別業和東坡游張山人園韻

覆地花陰紅一片拂天樹色綠成堆開尊小飲炎威減
對景狂歌笑口開鳩不喚晴嵐氣濕鯨將噴雨海雲來
重城已閉殘更斷月落參橫未肯回

化城菴和東坡南華寺韻

我聞禪行高朝士罕識面聊結清淨因遂忘人我見空
相無死生有爲如露電八音耳不聞五色目不眩饑火
難焚燒外魔自鍛鍊旣爲學人師勿受宰官譴求謁去
似風傷貧涕如霰誰憐騾褭圖可憐鸚鵡硯

菴僧以趙承旨
畫馬及水巖硯

獻之
當事

至蓮光境戲贈悟微上人和東坡碣石菴戲贈

湛菴主韻

拈花微笑說傳燈渴吻難尋六月冰醉舞共知非愛飲
酒中爲有萬年藤

題蓮光境壁和東坡留題石經院三首韻

沙似恒河數人猶苦海中詩成輕萬戶不用歎詩窮
悟後三禪樂愁來一醉消自知非肉食已減十圍腰
共見明星出時聞夜誦清階前桐葉落漸欲作秋聲
常至東湖夜泛和東坡以殘夜水明樓爲韻五

首

江維章方集卷二
一更山吐月魚沫動清瀾笛韻風前度林光晝裏看小
橋依岸曲孤塔入雲寒獨倚危欄坐蕭蕭燭影殘
二更山吐月坐石愛清夜漁火時往還水禽相上下飲
醇不叫囂談古殊醞藉身世已兩忘緇經悅禪話
三更山吐月徐步攬衣起世味本澹如吾心亦樂此襟
懷渺乾坤踪跡寄煙水烈士勿殉名徒驚天下耳
四更山吐月殘影半輪明雲淨河光瀉天高斗柄橫一
燈聞梵語四野斷人行心計無羸處猶能唱渭城
五更山吐月小築更清幽深夜露零樹向晨風滿樓雞
鳴應喚夢蛩唱欲迎秋香爇燈輝淡前溪發櫂謳

湖上夜歸和東坡韻

呼燈更促坐不覺夕漏長持杯那忍捨况納新秋涼山
光浮紫翠樹色圍青蒼振舵入城去茲遊不能忘餘酒
更一酌尚聞芰荷香平生有密友屈指多散亡招飲互
賓主悲歌聚芳塘天機頗自得如走長林麀突梯非所
好我性殊木強椎埋笑惡少視之如方良

新涼和東坡韻

新涼神志清與世無德怨云爲笑置之挂一遂漏萬孤
松挺高標不許藤蘿蔓指掌話盛衰其言如左券渴龍
未轉波神虎不入圈腹曝因曬書鼯鳴爲攤飯分紙詩
即成開尊酒頻勸雖慚不嘍囉所幸尚頑健按劍珠亂
投別足玉三獻逢時自呈身此事非我願

自笑和東坡韻

瑾瑜秉異質朗潤無纖鷺空山罕知者日冷風淒淒有
璞不肯獻吁嗟津路迷避世匪巢許忘形誰阮嵇高歌
出金石吐氣干雲霓人笑自亦笑年年老巖棲

獨覺和東坡韻

終日書空咄咄怪呼童爬搔手足疥北窗一枕黑甜餘
自謂羲皇頗痛快藕花深處驚鷗起棹歌漁笛煙波裏
悠然獨覺萬事忘飽噉浮瓜及沈李南邨晨夕陶淵明
共笑鼻息如雷聲寢迹衡門與世絕隨他風雨隨他晴

午窗坐睡和東坡韻

飯後睡魔來欠伸交兩肘隱几即嗒焉漸入無何有我

非與世忘與我周旋久吟嚙不自知兒童笑拍手夢覺
更舉觴思傾海爲酒醉眠無醒時可效彭聃壽達觀頗
厭生惟死欲速朽人爲悲火燒烈焰不可受此鄉景物
佳解穢蕩塵垢栩栩復蘧蘧樂哉漆園叟

倦夜和東坡韻

不寐聽殘漏宵長未肯明披衣花下坐躡履月中行近
水琴書潤經秋枕簟清病來應倦夜翻自喜詩成

縱筆和東坡韻三首

明月滄浪一釣翁停橈四面芰荷風衰顏顛顛羞看鏡
暫向尊前借酒紅

欲除席帽換漁巾白石清泉老此身自讀江鄉羈旅集

橫空硬語亦驚人

曉露如珠不是珠空諸所有本來無三身四智皆虛妄
蒼荀花開憶故吾

日日出東門和東坡韻

日日出東門恍如鏡中遊親人有魚鳥此外何所求行
廚幸有酒可以銷我憂高詠多寄託揮毫不能休世無
升斗水空貸監河侯光燄擬李杜高風慕巢由隨時愜
幽意何必尋蓬丘人情不足問此亦山水州

讀通鑑和陶讀山海經十三首

論古有定識貶褒忌迂疎涑水辟名士不居承明廬開
館十九年乃成資治書病後時寂處門無往來車渴飲

湖心水饑餐園中蔬坐卧方丈地惟與縹緗俱覆車實
前鑒盛世多良圖上下數千載閱之心凜如

古人書傳後見者應汗顏宋初迄元季四百八十年始
自建隆歲終於至正年百五十七卷成之薛方山詳略
未得體觀者有後言

考亭著綱目其意學聖丘綱欲春秋比目乃左氏偉大
書與分註窮源析其流詞嚴義極正可同涑水游

我聞天開子萬物萌伏陽向非盤古出焉得日月長鴻
濛闢渾沌其道乃大光胡為仁山氏并不載軒黃

惠陵一坏土寂寞誰哀憐曹丕遂稱帝王師困祁山竟
書亮入寇未免荒唐言何為漢庚子正統黃初年

朱三篡皇唐如火燔枯木河東舉義旗撲滅變陵谷寇
梁大筆書其汙不可浴長夜闇室行何不秉明燭
陽和不下照肅殺生勁陰英雄出草澤大率起綠林本
作餓鴟叫竟爲威鳳音把臂奪人位何殊虎狼心
負恩欺孤寡國祚安能長五行本遞嬗天命亦靡常兵
無呼庚癸田得峙糗糧時亨天下泰其樂未遽央
銅駝荆棘中天子下殿走聖代多禎祥圖書龜龍負每
當叔季時菑害無不有俳諧鄭平章其語多歇後
貞觀稱賢君骨肉成血海陛下穢德多千秋公論在霹
靂聲轟轟直書不肯悔後世安可欺史臣泚筆待
玩弄有刑餘其言常稱旨腹心疾旣成多以閹宦死門

生何負心倒置冠與履慎勿疑外廷貂璫不可恃
國家毓英才所貴不羈士黨人訕朝廷漢祚遂以止道
學誇儒宗宋亡亦脫爾東林流品殊未必盡君子
推心置人腹始得天下才報恩效忠款不爲功名來君
臣同魚水交泰無嫌猜畏首復畏尾用之何爲哉

和陶止酒

止酒亦不難止之自當止塵網不我纏置身丘壑裏焚
香燃智燈苦行如衲子何肉與周妻都非我所喜跣趺
悟本來萬念永不起能參涅槃禪事事皆料理不復中
聖人飲徒豈知己咫尺兜率天醉鄉長已矣酒海酒池
中茫茫無涯涘治命囑子孫勿以酒爲祀

和陶桃花源

山水到處佳胡爲溷塵世冉冉過隙駒所惜光陰逝魚
鳥頗可觀此事勿荒廢閒來歷幽遐信步倦即憩負耒
忘其勞秫田自樹藝拍浮酒船中醉鄉無戶稅此中人
跡稀終日犬不吠自成一家言健筆富清製同調略形
骸交懽晨夕詣民物保其真養和無夭厲人壽同大椿
春秋八千歲身居渾沌中無所用智慧義皇以上人長
住閒世界吾心如鏡明無滓亦無蔽名利何有哉窮通
置度外所在皆桃源悠然有默契

貧家淨掃地和東坡韻

貧家淨掃地不著金籠頭四大無實境六時常精修但

幸俗子去所欣故人留錢虜不足道世情日以媮火欲
混玉石器難竝蘭蕙高可坐照下士安能度

和王右丞偶然作五首韻

偶然又偶然沈靜斷百想逝者如斯夫天機在川上忘
恩更忘讐無貶亦無獎耕鑿樂堯年高歌自擊壤君子
能安貧慎勿爲利往

洛下有貴人策名青雲裏祭戟耀一門自誇鳴珂里卑
官畏其嗔俯伏不敢起但望爵位高那知丘壑美人情
喜趨炎其門遂如市死黨結班聯八關十六子清議置
罔聞所爲自謂是夜行不知休患失世所鄙肉食胡爲
乎吁嗟老無齒

久欲五嶽遊至今不得去浮沈苦海中自問何以故向
平累未完子女須嫁娶身雖滯塵囂性頗愛閒素少年
忽老蒼去日難返顧鹿鹿何所圖半生無是處雲霄或
乘時溝壑多失路人壽能幾何不如金石固赤松許我
俱勿自悵遲暮

吾口不宜言此中惟飲酒身外總非真何一爲我有立
談卿相尊不若杯入手雷火指顧消伊周猶在否昨爲
豪傑兒今作龍鍾叟頗笑通籍人天倉竊升斗身榮慢
故交氣岸殊自負僕馬未易支田園安能守春暖忽已
過望秋零蒲柳昏夜欲乞憐所爲如妾婦
買笑揀如花後房教歌舞墓土猶未乾園林已易主子

孫誰克家豚犬不足數死者何所知几筵薦肥牡坡老
曾有言願兒愚且魯其意望後人拖紳曳朱組不如貽
以安耕讀忘所苦

和儲光義偶然作十首韻

驕陽久不雨四望山林焦辱水河如線那能潤平臯土
乾曬欲裂植黍無新苗婦子苦束手怨天聲誆誆但望
一日雨以酬三時勞星光明於曙夜氣頗沈寥巫咸不
下問天聽何遙遙

貧家充枵腹飯糲羹煮藜軟美雖未有清虛頗相宜一
飽殊自足鼎烹亦何爲我聞孟郊向貧士易爲施丈夫
貴特立骯髒難逢時鳥思飛碧落魚欲遊天池揮手與

世別深居白雲陞

男兒身已老所好非求田其願未得遂愁來但高眠對鏡三歎息我形殊鳶肩昂藏雖自詡意興久索然詩書誤今古兀兀徒窮年狂瀾嗟既倒勢難障百川打頭風力猛乃似上水船巖生淮南桂池有濂溪蓮軒冕計已左倦飛鳥知還

天人對三策我笑董仲舒懷才思自試斯世非唐虞發憤力所學下帷勤稽居漢廷不見用遂出相江都匡時雖有志難效一得愚武帝喜仙怪平津多巧誣忠直不見錄反云儒術疎汜汜波上下寧爲水中鳧

生平重然諾卅載京華春紛紛香火者誰是同心人齷

齷勿挂齒超然葆吾真物情多狙詐肝膽難披陳康衢或閉塞所至皆迷津猿鶴可爲伴與之氣味親

天地有定位日東月生西陰陽本一理始識物我齊自知非駿骨不上昭王臺遺肉方朔妾干齋太常妻入山藥常劖對月酒自攜故人半貴顯屬籍通金閨往來尺素寡寤寐言笑睽霄壤既已判焉能兩情諧南枝巢越鳥何必擇木棲

餐松茹芝朮骨換身亦輕御風遊天闕俯見星斗明仙樂悅我耳或奏叢霄笙人民如螻蟻擾擾何怔營娑婆名缺陷豈足移神情紅塵去此遠始覺三光清

達人愛其身遁世老田里髮短懶彈冠踵決不納履落

筆如雲煙經經緯以史但停長者車不見五陵子得失
頗忘懷南邨差可擬對酒歡相持陶然營衛理委運大
化中無勞問年紀守拙返自然閒居覺今是
鳳兮何德衰暫以六月息聊憩梧桐陰襜褕戢其翼良
農不逢年辛苦空力穡亢暘雨澤愆水不集溝洫所嗟
夏未耘安望秋得食女無尺寸絲機上何所織垂翅誰
哀憐燕雀反啾唧

迴首欲息機蕭然環堵室時吹吳市簫不鼓趙女瑟撫
掌鬼笑人無爲營什一富貴有危機履之惴以慄得意
列班行邀榮蒙祿秩豈不念田園那能脫身出本非公
輔才空致羸老疾抱道自可傳名山藏著述

和儲光羲田家雜興八首

境與塵市殊和風滿邨野花間杖藜翁隴上春盃女冠
蓋不相知家家事農圃見面各懽然客來設雞黍牧笛
度寒煙漁燈出幽渚比戶樂有年秋成聞相杵飽煖無
憂虞多藏非所取

有無可借助不必求膏腴往來相愛惜彼此忘侵漁守
拙道自足子孫安故居煮飯浸南燭酌醪蒸地榆流水
入琴韻竹陰繞我廬縣官租久入終歲無追呼雨前采
香茗破睡傾一壺

出門得得行所遇皆相識林鳥無俗聲山花有佳色安
禪契五宗學易讀十翼人物皆生機牛羊自繁息倦枕

松石眠醒來帽簷側名僞衆所羞其人性頗直婦子何
所憂家儲十年食

飯罷扶杖出田翁啓柴關徐行看風日體靜心自閒池
魚枝上鳥得意俯仰間五行占晴雨舉目望遠山偶逢
稚子語但道稼穡艱乘興采藥去拾級青蘿攀五情不
能擾却病長童顏

終歲安且閒快哉田家樂人如太古時所幸遠塵郭秋
深稻垂垂老幼共刈獲草間顆粒遺得食馴鳥雀莞爾
笑貴人風塵滿京洛此時霜露淒草木漸黃落自愛田
功成非因宦情薄

對弈松樹間皤然有二老遂爲無病人似得長生道兒

齒復生齧重孫已在抱靜裏神氣全閒中日月好簪紳
多壯年骨肉委蔓草鈍者可延齡勿誇聲名早

野花開滿畦風過香一屋舉杯豁心胸醉傍白雲宿生
計在耕桑家人學樵牧量雨魚躍淵破煙鴻漸陸珍味
茹野蔬新陰植叢木頗厭里巷人紛紛互徵逐

誅茅屋數間環堵宮一畝願得素心人與爲忘形友飽
嘗露葵羹劇飲風藤酒閉關厭人來投轄畏客走橫斜
處士梅掩映彭澤柳洗手水動雲開懷月穿牖氣清接
滄溟夜靜燦星斗若非在田家能有此樂否

和韋蘇州秋夜二首

蛩吟不可聞入夜更悽戚疎樹風轉悲空階露欲滴爐

煙裊素幃燭影昏破壁獨坐厭漏長何以永今夕
綠綺寫怨慕其聲裴以回長河渺天外孤雁橫空來城
砧擣月急鄰笛穿雲哀無心即是道我已如寒灰

和韋蘇州秋夜

氣爽覺天濶露淒怯衣單蕭條木葉脫愁思何多端強
起更獨飲撫心不成懽啓戶望霜月嘹嘹雁聲寒

和韋蘇州閒居贈友

世事如弈棋常情難測度年來歎萍梗到處苦漂泊逍
遙卧煙霞朝夕飽藜藿紆憤磨險麋澆愁傾鑿落析理
蕉剥心生機筍抽籜山靈許清頑朝首笑貧薄微文多
刺譏隱語率寄託惟子知我深閒居慰寂寞

和韋蘇州與友生野飲效陶體

臨流草間坐把酒澆荒墳其中一堆骨知是何許人花
開復花落不辨秋與春碑碣卧碧蘚松楸入青雲千年
閉幽室長夜無富貧

和韋蘇州效陶彭澤

木凋草亦悴霜至菊始華頽齡菊能制不飲將如何忘
憂得深味醉處即爲家離騷下酒物一斗不足多

和柳柳州田家三首

袒臂徒跣出雞鳴至南阡踏車足重趼取水澆枯田日
入猶未息不如投林鳶但望升斗獲藉之度來年苦饑
遍地黑竟夜不得眠膏粱擇精鑿坐食腹果然

一室懸罄如篝燈日已夕忽聞剥啄呼怒罵聲歷歷吏
人入門來脫帽挂東壁云汝逋正供何爲安枕席上官
急徵輸縣令按簿責去年已歉收今夏少甘澤不聞民
牧憐難免司空籍願隨吏人去肌肉敢自惜明日水車
閒田中無人跡
農家有沃田河流繞岸曲今年不通船未見鴨頭綠原
野草盡焦牛羊亦難牧有司但催科猶說年穀熟賣屋
還賦稅此身無地宿室空燕巢林泉涸魚處陸秕糠不
可求敢望噉餲粥

和柳柳州飲酒

忽然覺愁至傾釀香滿尊聊以澆磊砢因之滌塵煩客
來但泥飲彼我無寒暄偶談世外事相對笑語溫山靜
水聲細月斜花影繁醉吟長短句大率皆寓言停杯且
小憩枕石眠芳蓀我醒當更酌中有至理存

和柳柳州讀書

尼父教萬世刪書自唐虞非爲仕宦徑竟作功名途典
籍久蒙晦思之發長吁經義度高閣短垣人自踰偶有
好古者所言人人殊或思談經濟或欲尚虛無或譏註
疏誤或與黃老俱譬如昆蟲蟄夢嚙難昭蘇研窮有所
得理悟心亦愉胸中富萬卷不作章句儒議論抒已見
勿爲舊說拘讀書可療俗力學能愈愚鯁生望一第席
舍空勤劬我笑儉腹者多爲饑所驅

和李編修丹壑先生夏日雜書四首韻

同鳳溪大令作

海氣橫天接混茫飲如河朔引杯長
藤蘿挂壁山樓暗荷芰臨風水閣香
玉笛穿雲歌豔曲羅衣映月試殘粧
赤欄橋外聞人語幾點漁燈傍野塘

往古來今跡已陳閒鷗野鶴結為鄰
醉消元石三年酒棋賭瀛洲九斛塵
學佛儘多門外漢論交誰是意中人
深林箕踞微颺至玉藕花瓜點綴新

別業幽閒遠市城柳陰深處語流鶯
花間小醉看山色枕上新涼聽雨聲
豪氣未除難伏老沈疴漸減喜更生
漁人牧豎皆吾友莫為羈孤歎不平

掃地焚香俗事稀傍山蕭寺夜鐘微
蚊蚋入室饑應聚

鳥雀還林倦不飛月下一燈沽酒去
煙中雙漿采菱歸塵容俗狀吾知免
自信疎狂與世違

和鳳溪病起口占十首韻

人間寒熱往來頻翻以疎頑悟正因

東坡詩人間寒熱無窮事自笑疎頑不受病

袞光陰如過客百年誰醒夢中身

尺水難容萬斛舟琴堂常伴故人遊
草生公府閒無事笑聽城中學打油

命似黃楊厄閏年病蠶作繭自相纏
從來不信儒冠誤將謂文章值得錢

落拓江湖一酒狂耕雲釣月卧滄浪
風流大令清如許但惜無資買草堂

消閒行藥過田家婦子欣然笑語譁明日不須同岸水
北窗風起雨如麻

泛舟明月趁疎慵浪湧浮圖倒影重水枕驚回塵土夢
上方何處一聲鐘

郢中有曲和陽春淨洗胸中一片塵千首詩能輕萬戶
行間珠玉不憂貧

玉液金膏自滌腸姓名未許列仙行年華半入漫苓譜

欲向龍宮覓禁方

余亦臥疾初愈

櫓聲欸乃浪生花小舸凌風路漸賒巨口細鱗堪作鱠
白蘋洲裏放魚叉

蕭蕭秋氣爽高旻玉露金風發興新有酒勸酬詩唱和

暫時忘却病中身

題畫蘭

漫說幽芳能竟體何曾臭味有同心天然真色無丹粉
誰譜猗蘭一曲琴

秋懷

涼夜初長皓魄升窗前孤影讀書燈倦飛不作隨陽鳥
枯坐還如退院僧

破除妄想起沈疴但有詩魔與酒魔一枕閒愁眠不得
梧桐葉上雨聲多

孤憤難消萬古愁誰家絃管按梁州小樓細雨青燈夜
野岸疎林白露秋

語未驚人佳句耽禪宗公案靜中參自知慧業三無漏
却笑麤疎七不堪

此身已脫市朝蹤欲卧煙蘿九仞峰病起窺園秋漸老
環隄開遍木芙蓉

荒雞中夜惡聲號起舞狂歌撫寶刀籬下黃花三徑遠
天邊白雁九秋高

銀河一片界青冥蟲語淒涼不可聽來日大難今且樂
衆人皆醉我偏醒

羣從紛紛侍玉樞自憐搖落泣窮途陶然亭上登高日
爲問茱萸插也無

贈歌者和楊進士涵貞韻

清絲脆竹度新聲小部如花舊擅名環珮姍姍銀燭下
纖腰一捻可憐生
攛揄步步軟於綿流眄窺人一蹶然老我欲狂狂不得
逢場作戲憶當年
轉喉嫋嫋歌桃葉垂手翩翩舞柘枝但有比紅詩百首
不妨從事办紅兒

感舊

碧檻紅欄綠柳邊風光曾唱好因緣錦綸舞影攢羅綺
珠串歌聲咽管絃打馬燈前搖玉釧擊毬花下落金鈿
衣香面粉弓鞵印已隔春風四五年

重到天台欲問津煙霞草樹誤劉晨揮絃有恨終辭漢

留枕何心更感甄鏡裏粧成新樣影帳中夢斷舊時春
無端青鳥傳消息淚染蠻箋寄故人

九日研濤招同人東湖讌集

節物教人泛玉觴一枝柔櫓破滄浪滿城碁杵催黃葉
隔舫箏琶傍綠楊霜後天高鴻度影雨餘秋老菊飄香
此身合向雲蘿住不聽鈴聲替戾岡

初地鐘聲響法雷閒遊無奈夕陽頽雲消晴嶽屏風展
風定明湖鏡面開短髮鬢鬢人落帽長天澄霽客登臺
半彎新月城東路醉插茱萸不忍迴

至化城菴示借山和尚

曾叅公案進竿頭閒叩禪關得勝遊門外苔深人跡少

窗前樹密鳥聲稠香臺佛定慈雲護玉鉢龍歸法雨收
殺奪縱擒賓主在憑師轉語發機籌

湖上晚歸

竟日遲留物外情歸舟愁向綠尊生雲收樹色遙連海
風送潮頭暗入城僧磬一聲孤塔暝樵歌幾處晚煙橫
小樓徹夜秋淒切枕上裁詩夢不成

暮秋雜詠

階下淒淒聒候蟲簷前颯颯落霜楓節交九日常陰雨
人過中年漸渾融我法生成麋鹿性世情遠隔馬牛風
應知杓鑿原難入敢說薰蕕不可同
秋氣蕭蕭秋士悲惟將心事託深卮干戈屯戍烽猶起

秦晉流亡歲游饑荒徼幾時為樂土中原遍處是災黎
東南福地皆安枕談笑從容食肉糜

又聞天險沒黃河 至尊頻下螭頭詔大吏誰知瓠子
歌沈玉塞菱頰 內帑年年版築竟如何

車書玉帛貢殊方 異數新膺粉署郎草檄已持司馬
節求金不治陸生裝九疑月照湘江遠五嶺雲連粵嶠

長擁傳往還多好句可能有夢到池塘家無亢兄奉命伴
送暹羅使臣至粵東

秋聲蕭颯暗殘釭倚笛閒吟信口腔氣撼須彌詩易怨
愁翻滄海酒難降五車蠹粉書空讀百斛龍文鼎可扛

我欲逃禪捐萬法悟時一口吸西江龐居士問馬祖不與萬法
為侶者是甚麼人祖曰待

汝一口吸盡西
江水即向汝道

心跡超然太古同南山爽氣散秋空雕胡軟飯炊新稻
糝玉香羹翦晚菘蟋蟀聲悲霜後月梧桐葉脫夜來風

頑軀頗得田園樂恩怨都忘一笑中
不用窮愁感慨深牙籤緗帙富書林長吟閒擘陟釐紙

雅操親彈焦尾琴蓬鬢經霜堆白玉菊叢薰日綻黃金
自慚伏櫪難千里四海何人識壯心

秋深無興可軒渠故態猶存習氣除文字生涯多偃蹇
貴游消息易稀疎還巢共愛梳翎鳥漏網難追掉尾魚

閉戶著書非左計問奇誰到子雲居
和松澗九日東湖讌集詩

清曉西風拂敝袍，萸囊菊酒共登高。淹留身匪淵明隱

陶淵明九日詩

怨望詩如夢得豪

新唐書禹錫恃才而廢褊心不能無怨望

棲露黍雞

肥兩蹠，輸芒稻，蟹脆雙螯節佳地。勝人強健，此會年年

屬我曹

杜少陵九日詩：明年此會知誰健，醉把茱萸仔細看。黃山谷詩：不用茱萸仔細看，管取明年各強健。

繞郭殘煙暮色催，畫船猶住白雲隈。分曹射覆羈懷散

脫帽呼盧笑口開。賓主淋漓皆醉矣，唱酬重疊亦雄哉。

一湖明月難爲別，更約同遊載酒來。

松澗有十三日再集之訂

松澗招同人東湖讌集

觴詠幽情暢，鳴橈又此游。林開霜後影，雁度雨中秋。攬

勝摩詩壘，爭雄舉酒籌。寒星三五點，漸映碧湖流。

華燭明於晝，遙山綠似螺。都非音秩秩，但見舞傒傒。拱

手惟高坐，開懷一浩歌。歸舟煙樹裏，前路泛金波。

贈松在菴，斷宜上人和東坡贈清涼寺和長老

韻

解脫因緣抖擻塵，學禪未見意中人。闍黎已示煙霞相

居士猶迷夢幻身。問答機鋒能印可，皮毛偈語亦尖新。

欲除煩惱髭餘髮，多事林宗折角巾。

閒居感舊

閒居塵不到，安穩似山邨。小閣斜臨水，扁舟直到門。躬

耕知稼穡，分食狎雞豚。此意無人識，惟吾用拙存。

人事音書絕，空齋更寂寥。醉憐霜後菊，夢怯雨中蕉。水

濶魚鰕足，庭閒鼠雀驕。生成屯骨相，隨分老漁樵。

一覺蘇臺夢香奩笑舊遊舞搖金扼臂歌贈錦纏頭新
浴薔薇露殘粧茉莉毬夜深人未醉燈火滿紅樓
蟬鬢千絲綠櫻唇一點紅花間金翠影月下綺羅叢
轉圓珠串鞦韆香軟玉弓醉來登錦罽自唱大江東
玩世增狂態難將禮法拘千金秋市駿百萬夜呼盧舟
泛江心月琴挑陌上姝南山曾刺虎腥血染昆吾
湖海多豪氣高眠百尺樓生騎西域馬醉罵武安侯玉
泣三年淚灰飛萬古愁常思投筆去飲器月支頭
霹靂弓聲勁虹蜺劍影寒鬪雞金作距舞馬玉爲鞍兵
學孫吳法詩登李杜壇神方能駐景鉛汞鍊還丹
未能醒噩夢漸欲息塵緣日月悲流水風雲悔少年市

屠公子客沙烏孝廉船欲往諸方去機鋒問五禪

丹九許惠醇醪久而未至戲和東坡章質夫送

酒不達韻

睡鴨香濃燭影明招尋茶話久停觥懽情所恃惟紅友
風味難忘是麴生北海尊空人負約東籬霜老菊餐英
若思留客傾家釀種秫親於谷口耕

戲作

宛轉前致辭儂家住樵李鶯花西子臺煙月南湖水
苦樂由他人饑寒怨夫婿同來乞爲奴亂挽芙蓉髻
妾顏欲羞花郎鬢已堆雪相見不相憐蕭蕭冷面鐵
出門不可留女伴問其故雖有萬卷書不如一尺布

一笑謝羅敷細裙紫綺襦不曾求共載莫道使君愚
買笑千金去飛揚憶昔時未能酬漂母不肯贈妖姬

招友人小集

欲向黃花醉開尊一縱譚曙光青嶂遠晴色綠波涵霜
熟牛心柿風香鳳尾柑久於塵事隔彌勒可同龕
投轄留賓住呼燈惜夜長盤腥鱸膾細匙滑蟹羹香拂
樹河光迴穿簾月影方寒庖無異味麤飯是家常

程縣尉旭明招飲花下

雅集因清暇招尋過草堂賓筵傾下若吏隱尉南昌雨
榭莓苔紫霜林橘柚黃幸無多酌我人笑次公狂
籬下千株菊寒芳醉欲醺翻風香酷烈映日影繽紛斗

梅福爲南昌尉

冷知秋盡餘懽入夜分知君非俗吏不厭往來勤

罷市歌

去年荒歉不可道三月無雨禾盡槁水車遍野婦子勞
高田一望半茂草所收不及十之三秕糠在室亦珍寶
今夏雨澤復愆期收穫尚比去年好黃童白叟共欣然
傲倖室家可相保藩司糴米五千石羽檄紛紜所見小
米僧寅緣得爲奸借以私取其計巧大船小船闔夜行
場圃所存遂如掃升米驟增錢三文萬姓皇皇似雲擾
頃刻鳩集千萬人黃昏喧闐到清曉市門晝閉不肯開
路無行人巷陌悄縣官驅去糴米船遣人擒治米僧狡
傳諭汝曹皆良民何事張皇功令藐民曰公命敢不承

其人雖散猶懊惱上官大怒責縣官無才不能官事了
復以白鏹二千金買米還倉不得少民情大變更甚前
滿城鼎沸狂瀾倒此邦地僻俗尚醇豕突鴟張若蠻獠
縣官以金貯公庫極言人心不可拗敝邑雖稱小有年
田間能有幾多稻吏胥牙僧營其私百萬生靈安得飽
微官去就一毛輕逢怒自甘下下考耕田鑿井歌太平
亡命游魂非吉兆每當中夜聞呼聲驚起頗類傷弓鳥

廣成道中

一葉中流上水船驚濤噴涌欲掀天馮夸起舞陽侯怒
更有封姨大放顛
憑舷危坐任風波雙櫓嘔啞冒雨過天漏那堪船亦漏

孤篷頭上更滂沱

次姚家廊下與姚孝廉心求夜話

薄暮停舟碧水濤呼燈促坐話更深交游零落多雲散
筆墨生涯竟陸沈鍊石補天愁缺陷挽戈麾日惜光陰
名場一笑輕餘子晨夕誰堪託素心

至落北邨謁楊學士蘿村先生留飲觀劇

不爲蒼生出平泉綠野間尊壘傾北海絲竹卧東山著
作丹黃富江湖杖履閒知公能略分談笑任疎頑

席間戲贈

翦燭停歌勸酒頻紅潮雙頰覺微嗔橫陳玉體嬌無主
鶯語間關欲罵人

燕雛臨別更迴翔翠尾紅襟傍夕陽軟語商量千百遍
似言不忍別雕梁

歸途再至姚家廊下承姚編修起陶先生招飲
遂初不是厭楓宸恐換頭銜作要津山水田園原可樂
煙霞魚鳥自相親神龍久已推先達駑馬應難逐後塵
先生謬以館閣期許傲骨常逢皮相士惟公猶惜倦遊人

簡楊涵貞姚心求

市井有庸奴酒囊亦飯袋目不識一丁腹中無書曬長
筵廣座間驕恣不可耐生平何所能但解學博箋遇人
談文章拘苦如著械進退乏威儀觸處皆罣礙世情總
未諳少見自多怪夜郎稱寡人我孰與漢大家累數千

金遂作富翁態但知阿堵佳筆墨非所愛粹與文士逢
相輕如草芥我輩拔俗標負竒立節槩近彼則汚人勿
為鼠輩賣薰蕕器應殊置之於度外不可與作緣濫交
永以戒

和心求見贈原韻

簸蕩幾沈一葉舟開尊未為故人留布帆無恙因天幸
風信能如酒信不

亦議文章非俗子

陸放翁詩俗子議文章

不離雲水一畸人時聞蚓竅

蛙唇開負此昂藏八尺身

憑他冷熱窮通客懶說融修大小兒握手論交應失笑
寸心能有幾人知

多病自憐中散懶，豎儒人罵食其狂。寶刀不飲尋常血，客氣消除漸老蒼。

滄亭招同涵貞心求彤侯城東別業小飲

竟日懽呼耐久朋，蕭蕭暝色映觚棱。醉開筆陣成高詠，語轉禪機得上乘。湖影沈浮孤塔月，煙光隱見後船燈。盲風更覺寒威峭，繞郭迎篙一片冰。

題心求卧龍松下圖

種樹宜種松，以其耐歲寒。葱龍曲蓋偃，磔砢靈根盤。虬龍卧碧海，不肯生波瀾。爪甲偶潛伏，暫於泥中蟠。有時作清嘯，如聽文琴彈。吾友坐其下，露吸實可餐。愛此後凋節，撫摩自盤桓。茲意鮮識者，惜哉知音難。豈無千尺

榦高入青雲端，采取作梁棟。斧斤良足歎。

查編修悔餘屬題桃枝竹杖歌

先生不愛朱雀桁，辭祿抽身得閒放。雙足汗漫隨處游，鏡湖一曲非我望。遂初賦成已十年，瀟灑出塵完素尚。濟勝之具頗有餘，山巔水涯恣所向。游屐探幽紀以詩，往來騰躍逾健壯。精神龍馬勝少年，無用藉茲一枝杖。吾聞天台之高四萬八千丈，先生何不拄此直登於其上。竊願攀蘿拾級相追隨，俯視煙雲變態精靈狀。

至化城菴借山和尚留話竟日

心跡雙清意氣疎，衝波打槳叩禪居。閒叅活句身將老，病笑空囊歲漸除。劉峻欲追公叔論，稽康有絕巨源書。

生天成佛非難事自悔人如蠹字魚

和陸伯機書懷韻

削跡應防與禍鄰萍踪浮寄斷癡嗔丹山有穴憐衰鳳
碧海無波起涸鱗吾道非耶難入世臣年老矣不如人
酒徒自署狂生號誰識高陽一賤民

題沈綠崖比蘭圖

維蘭逞幽姿芬苾軼埃壙當爲王者香亦見美人戴浴
之宜作湯紉此以爲佩泠泠入琴聲揚揚協舞態同心
臭特殊竟體芳可愛當門敢怨鋤埃時慮將刈常防猘
犬憎更畏秋風敗所以卷中人不出階庭外

題鮑明友聽瀑圖

飛瀑出雲中千古流不息幽人有會心選石坐其側入
耳聲可聽晨夕殊自得悠然遠六塵莞爾忘八極逝者
率如斯此意無人識溢涌盪天機嚶吟豁胸臆徐凝非
惡詩訛議笑蘇軾常如白練飛界破青山色

徐凝詩千古常如白練飛一條
界破青山色蘇軾詩飛流濺沫知多少不爲徐凝洗惡詩

和陶乞食

出門乞食去四顧將焉之瑟縮進朱戶茫然難致辭主
人欣握手問客胡爲來天寒風冽冽聊與傾一卮談諧
意頗適索示囊中詩琅琅誦不倦歎我爲仙才如斯便
已足何必管斗貽

歲暮聞翁越岑謁選得桐城令和陶歲暮和張

常侍

相別亦不久流年若流泉倏忽歲又暮
馱跡余難言閉戶獨向火風淒霜雪繁
鑠金笑衆口自問無過愆發憤心惘惘
愚公欲移山素交悅情話茲地誰往還
長安在天上所苦無腰纏我友謁選去
客踪已經年桐城好山水善地如鶯
遷家貧望鄰富聞此頗快然


除夕立春和東坡元日立春韻

援戈麾日不能回莫怨流年隙影催
虧得泥塗披錦繡土牛也會送春來

年去年來事不同賣癡賣_上獸有奇功
閒燒爆竹驚虛耗春在燈光酒影中

大儺長夜送嚴寒笑打灰堆強自寬
寫宜春紅帖子陽和收拾在毫端

吳下除夜持杖擊糞壤以祈利市謂之打灰堆楷



上海圖書館藏

四

